



साःगु भिंगु मरिचरिया नितिं लुमका दिसँ !

लक्ष्मण जमाल 'चिलिमि' प्रोप्राइटर

लाखा छैँ
LAKHA CHHEN

सोहखुटे, वडा नं. १६, येँ, फोन नं.: ४५६०७५८

बागमती प्रदेशया भाषा ऐन लागु

बागमती प्रदेशय् थःगु हे भासं सुचं काय् दइगु

• लहना संवाददाता

बागमती प्रदेश दुने सरकारी कामकाजया भाषा कथं नेपालभाषा व तामाङ भाषा कार्यान्वयन थौनसे जुड्गु दु। प्रधानमन्त्री पुष्पकमल दाहाल 'प्रचण्ड' 'बागमती प्रदेश सरकारी कामकाजया भाषा ऐन, २०८०' न्ह्यागु घोषणा यानादीसे उगु भाषा सरकारी कामकाज कार्यान्वयनय् यायेगु धका घोषणा यानादीगु खः। 'भाषा दिवस २०८१' न जुगुलि सरकारं निगु भाषायात सरकारी कामकाजय् कार्यान्वयन यायेगु धका घोषणा यानादीगु खः। भाषा दिवसया लसताय् प्रदेश सरकारं प्रदेश दुने सार्वजनिक बिदा तक बिःगु खः। विसं २०८० कात्तिक २३ गते प्रदेश सरकारं उगु ऐन प्रमाणीकरण याःगु खः।

प्रधानमन्त्री पुष्पकमल दाहाल 'प्रचण्ड' वर्तमान संविधान आःतक न पूर्ण जुगु मडुनि धका धयादीगु दु। बागमती प्रदेश सरकारी कामकाजया भाषा ऐन, उलेज्या नाप भाषा दिवसया लसताय् जुगु उगु ज्याइवल्य थःगु नुंगः तयेगु भू वलय् अथे धयादीगु खः। वयकलं न्हुगु संविधानय् पहिचान व अधिकार स्थापित यायेत यक्को सङ्घर्ष यासा न



आःतक न पूर्णता जूगु मडुनि धका धयादीगु खः। वयकलं धयादीगु दु इमान्दार जुया सङ्घर्ष याना वन धासा संविधानयात स्थापित यायेत ल्यःदुगु अधिकारमदिकक वइगु भलसा कयादीगु खः। दक्को उत्पीडित वर्ग, जाति व समुदायतय्स थःगु थःगु म्हेसिका थुइका न्ह्यावन धासा अधिकारया राष्ट्रिय मुद्दा कार्यान्वयन यायेगुलि ऐक्यबद्धता क्यनेत इनाप यानादीगु खः। वयकलं धयादीगु दु नेपाली समाजया

विशेषता व सामाजिक बनावट कथं दक्को वर्ग, जाति, क्षेत्र, लैङ्गिक व समुदायया पहिचान लिसे अधिकारया लागि थःम्हेसिया यक्को सङ्घर्ष याना वयाच्वंगु दु धका धयादीगु खः। वयकलं धयादीगु दु, 'नेपाली समाजया विशेषता व सामाजिक बनावट कथं दक्को वर्ग, जाति, क्षेत्र, लैङ्गिक व समुदायया पहिचान नाप अधिकारया नीति जि मदिकक सङ्घर्ष याना वयाच्वनागु दु। थ्व घोषणां

सङ्घीय सरकारं लागू याये धुकुगु नेपाल संवतयात कार्यान्वयन यायेगुलि अझ मेगु अप्पो प्रभावकारी जुइ व मेमेगु प्रदेशय् न संविधानं व्यवस्था यागु कथं प्रादेशिक कानुन दयेकेगुलि भाषिक, सांस्कृतिक अधिकारयात सम्बोधन याइगु लैपुइ न्ह्याइ। नेपाली जनताया त्याग व बलिदानया बलं संघीय लोकतान्त्रिक गणतन्त्र, समावेशी समानुपातिक नाप सवैधानिक व्यवस्था जुगु खः। अय् न आःयागु संविधान

न अझ पूर्णता बिइगु ल्यः दनिइ। न्हुगु संविधानय् पहिचान व अधिकार स्थापित यायेत भीसं मदिकक संघर्ष याना वयाच्वंगु खः। इमान्दार कथं सङ्घर्ष याना च्वनिइगु खःसा संविधानय् स्थापित यायेगु ल्यः दुगु अधिकार बुलुहु स्थापित जुया वनिइ। दक्को उत्पीडित वर्ग, जाति व समुदाय थःगु पहिचान यात म्हेसिका व अधिकार याःगु राष्ट्रिय मुद्दा कार्यान्वयन यायेगुलि ऐक्यबद्धता क्यनेत इनाप यानाच्वना।'

प्रदेशया मुख्यमन्त्री शालिकराम जम्मकट्टेलया सभाध्यक्षताय् जुगु उगु ज्याभ्रवल्य संस्कृति पर्यटन लिसे नागरिक उड्डयनमन्त्री हितबहादुर तामाङ, युवा लिसे खेलकुदमन्त्री विराजभक्त श्रेष्ठ नाप स्वनिगु संघीय सांसद व प्रदेश सांसदपनिगु न ब्वति दुगु खः। नेवा देव दबूया नायः पवित्र बज्राचार्य बागमती प्रदेश सरकारं नेपालभाषा व तामाङ भाषायात सरकारी कामकाजय् हःगुलि लसकुस यानादीगु खः। वयकलं प्रधानमन्त्री दाहाल, बागमती प्रदेश सरकार, प्रदेशसभाया दक्को दुजः व मुख्यमन्त्रीया कुतलं नेपालभाषा व तामाङ कामकाजया भाषाया कथं कार्यान्वयन जूगु खः ल्यं ७ पेजय्

हल्चोक आकाश भैरवया भिनिदँ जात्राया तयारी न्ह्यात

श्री हल्चोक आकाश भैरवया भिनिदँया जात्रा तयारी याय्गु नितिं स्वंगु हल्चोक आकाश भैरव समाजया औपचारिक उलेज्या आइतवाः जुल। जिल्ला प्रशासन ज्याकुथि येँ फागुन २० गते विधिवत् दर्ता जूगु समाजया नागार्जुन नगरपालिकाया मेयर मोहन बहादुर बस्नेतया मूपाहँसुइ जूगु ज्याइवल्य नुगःखँ तयादिसँ मूपाहँ बस्नेतं हल्चोक आकाश भैरव समाज स्वंगु खँय लसता प्वकुसँ हल्चोकया गुथि न्ह्याकेगु नितिं वइगु

आ.व.यू.न्यागू लखया बजेट तयाबीगु व भौतिक पूर्वाधारलिसें ख्वाःपाः वा मेमेगु ज्वलंत दयेके माःगु खःसा उकिया नितिं न बजेटया व्यवस्था यानाबीगु खँ तयादीगु दु। समाजं भिनिदँया जात्रा सुर्खालाक न्ह्याकेगु नितिं एक करोड तकाया छगू कोष दयेकेगु घोषणा याःगु खःसा मेयर बस्नेतं थः मां व बाःया नामं एक लाख एक हजार तका कोषयात वीगु बचं ल्यं ७ पेजय्

Trendiest Fashion At Price You Love

ufo the clothing store

HIMALAYAN ICECREAM

मिठो कुल्फी तथा आइसक्रिम बेच्नु परेमा नि शुल्क फ्रिज उपलब्ध गराईन्छ।

८८५१३५५०८० ८८०८६०८७२५

himalayan.ice.udhyog

रिस्टार, घन्सार, राप्तीविनायक, नगरपालिका, वडा नं. १, गणेशपुर



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्यान भी सकस्यां छगू
जातितय् स्वायत्त राज्य लुइ कर्प च्वय् भिर्लीमिलिं
राष्ट्र भ:भ: धाय्क न्ह्याके भीगु च:र्त भीगु हिं

सम्पादकीय



गुथि बिधयेकय् सहलह

सरकारं गुथि सम्बन्धी शौकन्त्यया संरचना व कानुनयात पुनरावलोकन याना संविधान कथं गुथि सम्बन्धी ऐन हयेगु कुत: यानाच्वंगु इलय् सरोकारवाला तयगु अप्पो भावना दुथ्याका व उमिगु अपेक्षायात सम्बोधन याये मा:गु विषय हाकन खँ ल्हवंगु दु । वंगु इलय् गुथि सम्बन्धी विधेयकं सरोकारवाला तयेगु भावनायात क: मधागु व नियन्त्रणमुखी जुगुलि तध:गु आन्दोलन जुगुलि लि: कायेमा:गु ख:ला सकसिया सिउगु हे खँ ख:। थज्यागु इलय् भूमि व्यवस्था, सहकारी लिसे गरिबी निवारण मन्त्रालयं ऐन निर्माणया लागि निस्वंगु कार्यदलं सरोकारवालापि नाप सहलह न्ह्याकूगु ख:।अज्यागु स्थितिइ २०७६ सालय् गुथि विधेयकविरुद्ध फिब्ब: छ्यलय् जुगु ज्याभ्वलं गुथि सम्बन्धी न्हगु कानुन दयेकेमा:गु विषय सरोकारवालापिन्स सक्रियता क्यंगु ख:। सरकारं थुकियात सकारात्मक कथं कया सरोकारवाला तयगु अपनत्व, उमिगु ब्वतिइ व भलसा त्याकां न्हयने यकेमा:गु खंगु दु।अथे मयासा वंगु इलय् थ्ये सरोकारवालापि नाप सहमति मयासे हाकन बिधेयक हयेगु ज्या जुल धका धासा हाकन लि: काय्मालेफु ।

देयन्त्यक गुथियात निर्देशन याइगु गुठी संस्थान ऐन २०३३ नं थुगु इलय् मा:गु, खँयात सम्बोधन याये मफुगुलि हे गुथि सम्बन्धी न्हगु ऐन हयेगु ज्या न्ह्याकेत स्वंगु ख: । सर्वसाधारण व थ्व नाप स्वापिन्स पुलागु ऐनयात हिला न्हगु ऐन मवयाच्वंगुलि च्युता: न तयेगु याना च्वंगु हे ख: । गुथिनाप सामाजिक, धार्मिक व सांस्कृतिक जीवनय् थीथी कथं स्वाना च्वंगु हे मदुगु मखु । थीथी जात्रा, नख: न्ह्याकेगु लागि पुर्खापिन्स न्हापा वुँ तयेगु या:गु ख:। व हे वुँ सरकारया मिर्खा व:गु ख: । वहे वुँ सरकारं गुथि संस्थानया नामय् दुकाय् धुका जात्रा सञ्चालनय् समस्या व:गु ख: । थ्व गुथियात थुइकेगु धासा पाय्छि मखु । गुथियात भूमि प्रशासननाप स्वाना स्वयेगु सरकारी मिर्खायाना गुथि सम्बन्धी समस्याया बालाक समाधान याये फइ मखु । गुथियात जीवन पद्धतिनाप स्वाना स्वयेगु यायेमा: । कानुन दयेकेगु इलय् थज्यागु खँ बालाक स्वयेगु यायेमा: । उकिइ गुथि प्रणाली, परम्परा व संरचनायात प्रथाजनित कानुनया मिर्खा स्वयेगु यायेमा: । उकियागु प्राचीनता, अविच्छिन्न विधिविधान, समाजय् लाइगु प्रभावं गुलि लिच्व: लाइगु प्रथाजनित कानुनया तत्व खने दु । थुगु कथं स्वयेगु खँसा सरोकारवाला तयेगु निजी गुथि सञ्चालन विधि स्वायत्त जुइगु कथं कानुन दयेकेत ध्यानाकर्षण याना वयाच्वंगु ख: । थुकिइ सरकार नियन्त्रणमुखी स्वया न सहजीकरण यायेफत धा:सा जनमतया कदर जुइ । थीथी आयोजना व विकासया नामये यक्को हे वुँ न्ह्यावना उकिया प्रभावं यक्को हे वुँ न्हा वना हे संस्कृति व नख:या संरक्षण यायेगुलि बामलाक लिच्व: लागु दु । थज्यागु सम्बन्धी सर्वोच्च अदालतया थीथी व्याख्या, नजिरयात स्वया कानुन दयेकेगु दायित्व सरकार या:गु हे ख: ।

निजी गुथियात स्वायत्त निकाय कथं सरकारं दर्ता याना, उकियात सञ्चालन यायेगु व राज्यया दायित्व म्हासिका न्हगु ऐन हयेमा:गु खनेदु । थुकथं स्वयेगु ख:सा स्वनिग:या गुथि सम्बन्धी संरचना व मधेस नाप मेमेगु थसय् च्वंगु समस्या छथाय् तया स्वये मज्यु । न्हापानिसे न्ह्याना वयाच्वंगु प्रथा, परम्परा व गुथि संस्कृतिया संरक्षण नाप प्रवर्द्धन यायेगु आ:या कानुनयात परिमार्जनयाना न्हगु गुथि कानुनया मस्यौदा तयार यायेत थथे थीथी पक्ष नाप सहलह, बहसयात मदिक न्ह्याकेमा: । अथे जुल धासा जक बालागु लैय् न्ह्यावने फइ ।

मांभाय्या अधिकार स्थापित यायेगु छपला: न्ह्यात



दिलीप शाही “शान्तिज्यु”

बागमती प्रदेश सरकार नेपालभाषा व तामाङ भाय्यात सरकारी ज्याखँया भाय् धका: खुला न्हय: ऐन जारी या:गु ख:सा म्हाग: निसे उगु ऐन कार्यान्वयनय् व:गु दु । निश्चित रुप थ्व ता: इलनिसे भाषिक आन्दोलन यानाच्वंगुपिनिगु नितिं सुखद् ई ख: । थ:गु बाहुल्यता दुगु थसय् थ:गु हे मांभाय्या अधिकार स्थापित यायेत ता: ई न्हयनिसे आन्दोलन याना वयाच्वंगु ख: । अथे ला राणाकालीन इलय् न्ह्या:गु भाषिक दमन पञ्चायती इलय् जुजु महेन्द्र अफ्न घनिभूत या:गु ख: । राणाकालीन इलय् कानुनी रुप भाषायात बन्देज तयेगु ज्या मजुसां थ:गु मां भासं सरकारी ज्याखँय् छ यले मखँसां नं थ:गु लागाय् थ:गु भाषा ल्हायेत उलि बन्देज मदु । अफ्न धायेगु ख:सा उगु इलय् नेपालभाषा न्हा वनिगु अवस्था थ्यंक मथ्यं तर जब जुजु महेन्द्र एकल भाषा नीति नालेगु गुगु ज्या जुल थुकिं विशेष याना: स्वनिग:या नेपालभाषायात धा:सा बामलाक लिच्व: लाकल । पञ्चायती इलय् भाषिक अधिकारयात कया: खँ ल्हायेगु छगू कथं अपराध ख: । राणाकालीन इलय् व पञ्चायती इलय् थ:गु मां भासं च्व:गु कारण हे याना: गुलिखँ च्वमिपिं उगु इलय् जेलनेल फयेमा:गु ख:सा थज्या:गु दमन याना: भाषायात मतिना याइपिं धा:सा अफ्न आन्दोलित जुल । गुकिया लिच्व: २०४७ सालय् तत्कालीन पञ्चायती व्यवस्था विरुद्धया आन्दोलनय् आपालं नेवा:तयसं ब्वति कायेगु ज्या जुल । थुगु आन्दोलनया कारण याना: अन्तत: जुजु विरेन्द्र प्रजातन्त्र व्यवस्थाया घोषणा यायेमाल ।

तर प्रजातन्त्र व्यवस्था स्थापना जूसां नं भाषिक अधिकार कायेत धा:सा भीपिं ता: लाय मफुत । भाषिक आन्दोलनं सत्ताय् थ्यंपिं नेतातयसं जब थ: सत्ताय् वन अले भीगु भाषिक आन्दोलनयात ध्याकुनय् लाकेगु ज्या जुल । थुकिं याना: भाषिक अधिकारकर्मीतयसं निरन्तर आन्दोलन धा:सा याना: हे च्वन । वयां लिपा जूगु स्थानीय निकायया चुनावय् तत्कालीन एमालेया उम्मेदवार केवश स्थापित मेयरय् निर्वाचित जुइवं येँ महानगरपालिकाय् नेपालभाषायात नं कामकाजी भाषाया रुपय् मान्यत विल । तर एकल भाषाया मतिवारतयसं उगु निर्णय विरुद्ध सर्वोच्च अदालतय् मुद्दा तल

व अन्तत: सर्वोच्च अदालतं येँ महानगरपालिकाया उगु निर्णय खारेज यायेगु आदेश विल । अथेला विश्वय् सर्वोच्च अदालतं पाखे जुइगु निर्णय अग्रगमन जुइमा:गु ख: । तर नेपा:या सर्वोच्च अदालत भाषिक अधिकारया खँय् अग्रगमन जुइ मफुत । अथे जुया: हे जेठ १८ गतेयात भाषिक अधिकारकर्मीतयसं हाकुगु न्हिं धका: हनेगु यानाच्वंगु दु । अथे ला तत्कालीन इलय् येँ महानगरपालिकां या:गु निर्णय संविधान अ:ख: धका: सर्वोच्च अदालतं अज्या:गु आदेश बिउगु ख: । संविधानय् मदुगु व्यवस्था जूगुलि उकियात कार्यान्वयन यायेगु गलत धइगु नजिर सर्वोच्च अदालतं का:गु ख: ।

वयां लिपा न्ह्या:गु माओवादी



राजनीतिक पार्टीतयसं यदि गुगुं नं कथंया अधिकार स्थापित यायेगु ख:सा मफइगु निश्चित रुपं मखु धइगु प्रमाण आ: बागमती प्रदेशय् नेपालभाषा व तामाङ भाषायात बिउगु मान्यता ख: । ख: मिहग: निसे ऐन कार्यान्वयन वल तर उकियात मा:गु आपालं नियमावलीत अफ्न नं दयेकेगु ज्या जूगु मदुनि ।

जनयुद्धय् भाषिक अधिकार जक मखु राजनीतिक अधिकारया खँ वल । माओवादी जनयुद्धया भवल्य् जातीय अधिकारया खँयात प्रमुखता वीवं माओवादी आन्दोलनं नं तच्वया: वंगु जक मखु २०६२/६३ या जनआन्दोलन लिपा राजतन्त्रया अवसान जुल । तर नं भाषिक अधिकार धा:सा काये मफयाच्वंगु ख: । थुकथं भाषिक अधिकार कायेमफुगु कारण धइगु राजनीतिक पार्टीया इच्छाशक्ति ख: । राजनीतिक पार्टीतयसं यदि गुगुं नं कथंया अधिकार स्थापित यायेगु ख:सा मफइगु निश्चित रुपं मखु धइगु प्रमाण आ: बागमती प्रदेशय् नेपालभाषा व तामाङ भाषायात बिउगु मान्यता ख: । ख: म्हाग: निसे ऐन कार्यान्वयन वल तर उकियात मा:गु आपालं नियमावलीत अफ्न नं दयेकेगु ज्या जूगु मदुनि । गुगुं नं कथंया नियमावली मदयेकं भाषिक ऐन कार्यान्वयन जुइगु सम्भावना मदु । अले आ: बागमती प्रदेश सरकारं नेवा: भाय् व तामाङ भाय् यात राज्यया भाय् कथं कार्यान्वयन हयेत मा:गु अज्या:गु नियमावली गबलय् दयेकी धइगु न्हयस: आ: हे ब्वलनाच्वंगु दु । अथे मान्यता प्राप्त जूगु भाषायात कार्यान्वयनय् यंकेगु नितिं छु गज्या:गु प्रावधान दयेकेमा: धइगु खँय् आ: बहस न्ह्याकेमा:गु आवश्यकता दनि ।

भाषिक ऐन कार्यान्वयन यायेगु न्हिं कुन्हु बागमती प्रदेशं सरकारी विदा घोषणा या:गु ख: । बागमती प्रदेशं या:गु घोषणायात कया: येँ महानगरपालिकां मान्यता वीमखु धइथेंज्या:गु समाचार नं उगु इलय् मव:गु मखु । येँ महानगरपालिकाया शिक्षा विभागया प्रमुख गोविन्दप्रसाद शर्मा छगू विज्ञप्ति जारी यासें बागमती प देशया आन्तरिक मामिला तथा कानून मन्त्रालयया निर्णय विद्यालय बन्द मजुइगु जानकारी व:गु धका: धयात:गु ख: । येँ महानगरपालिकाय थ्व निर्णययात कया: सामाजिक सञ्जालय् व्यापक विरोध जुइवं अन्तत: बहनी हे शिक्षा प्रमुख शर्मा मेगु विज्ञप्ति जारी याना: विद्यालय बन्दया घोषणा या:गु

ख: । थुकिं अफ्न नं छुं खँ स्पष्टया धा:सा नेपा:या सरकारी निकाय थ:गु मांभाय् छयलेगुलिं गुगुं पंग: दुगु ख:सा अनया कर्मचारी ख: धका: धायेत लिफ: स्वयेमा:गु मदु । प्रदेशं जारी या:गु अज्या:गु निर्णय स्थानीय निकायं उल्लंघन यायेगु गुगु दुस्साहत यात थ्व भीगु नितिं त:धंगु हाथ्या ख: । थौं प्रदेशं भाषिक अधिकारयात कया: बिउगु विदायात स्थानीय निकायं माने यायेमफु धायेगु छगू कथं स्थानीय निकायं भाषायात मान्यता वीमखु धा:गु ख: । थौं भाषिक अधिकारयात कया: विदा वीत आनाकानी या:गु स्थानीय निकायं कन्हय् वना: बागमती प्रदेशय् तामाङ भाषा व नेपालभाषा ब्वंकेमखु धका: निर्णय यात धा:सा छु यायेगु धइगु न्हयस: स्वभाविक रुपं दना वयाच्वंगु दु । येँ महानगरपालिकाया निर्णय थ्व खँयात संकेत यानाच्वंगु जक मखुला धइगु न्हयस: ब्वलनाच्वंगु दु । अथे जुया: भाषिक आन्दोलनया कार्यकर्तात अफ्न नं सतर्क जुइमा:गु आवश्यकत दु । एकल भाषाया हिमायतीतयसं अफ्न नं भीगु भाषायात ययेकाच्वंगु मदु । नेवा:तयगु सकतां य: तर नेवा:तय् भाषा मय:पिं अफ्न नं म्हो मजुनि धइगु छगू दसु येँ महानगरपालिकाया निर्णय ख: । गुगु विरोधया दथुइ लि: कायेत बाध्य जुइ माल ।





मां व जि

रेखा शाक्य (राजमति)



तुइसे चकंगु ख्वाः च्वामुगु न्हाय्
हिराया टप व पुनाचा न्हाय्पनय्

जीवनया अनुभव प्वःचिनाः गुजिकाःगु न्यताः
७९ दँया म्वानासु ज्वनाः न्ह्याकाच्वंगु व पलाः
न्ह्याबलें न्हिउ ख्वाः ह्याउँगु सिन्ह भः भः धाः
प्यम्ह मस्तय् इहिपा क्वचायेकाः अजि, तापाअजि जुम्ह
जि छम्हेसित पासा नाला सदां लिक्क तथा तम्ह
खः व जिमि मां जितः सदां माया याइम्ह

सुथय् दनि, वंसिब पुइ, द्यः पुज्याइ
थःत व जितः च्या क्वाक्क न्ह्यच्याकी
कर्म मां-म्ट्याय्, व्यवहारय् जिपिं पासा
मांयात जि, जितः मां जीवनया लिधँसा
शुकथं न्ह्यानाच्वन, जिमिगु जीवनया घःचाः

भुतुलिइ साक्क भिंक ज्वरे याइ
थःत छकू म्हो काइ, जितः अप्वः तथाबिइ
मामं मतिना थुकथं चकक ब्वयाबिइ
मांया लुधंगु ख्वाः स्वस्व जि धन्य जुयाबिइ

जिं हँ मधाःसां ख्वालं सिइका काइम्ह
छु पीर, दुख जुल मांयात कं धाइम्ह
न्ह्याथाय् वंसां छँय् च्वनाः च्यूता काइम्ह
नःला, मनःला धकाः फोन यानाः न्यनिम्ह
खः व जिमि मां, नुगः चककाः माया याइम्ह

तं चाइ मां, वं धाःगु पू मवनेवं
तं चाये जि, थःम्ह धाःथें याये मखनेवं
धौ पलख निम्ह निखे तंचायाः फस्वये
ज्या यायेत ती मां थें हानं निम्ह धस्वाये
ख्याः नी या दथुइ ह्वयाच्वंगु जीवन
न्हियान्हिथं बसन्तया जुइ हानं आगमन

मांया मतिना मथुपिं मस्त धिक्कार
मचा जुयाया अर्थ यायेमते बेकार
द्यः धुंकाःया च्वये मां बौया सत्कार
म्वातले यायेमाः भ्नीसं सदां आदर

लुमंका मां



अञ्जना ताम्राकार

आस्था, बिश्वास, श्रद्धा, व त्याग
मग्याःयायेत व परित्याग नं थःत
याइ वं मतिना दुनुगलं निश्चार्थ भावं
दु थनः जगतय् खः व मां हे छम्ह

मस्तय् निरतिं वहे भौंकी व हे बैद्य
न्हापाम्ह गुरु व हे सल्लाहकार नं
वसां निस्यकक प्वाःथय् बासंच्चं मस्तय्सं
शुम्हं मस्तय् फुक नुगः खँ व मां हे छम्ह

बुला ब्यूसां ला न्हिं ब्यूसां ल्हवयाः छम्हं म्हय्
कुमचाः घमचाः छतिं कायेत वं खि च्वः तकनं
गाःयाये दयवं मस्तय्तः बांलाक लालन पालन
च्वनेमासा लथ्याना थःप्वा लयेताइम्ह व मां हे छम्ह

दु गुण थनः मांया अल्याखं अल्याख
मफु निनां निइ सुं बिध्वान वसा नं
मसिल जिं उपमा छु बिइगु मांयात
निरञ्जन निराकार थें च्वं व मां हे छम्ह

न कनां कन्हे हे फु वया बलिदानया बाखं
नं कि हे फु किपा निश्चार्थ मतिनाया आकार
खः वला जगत जननिया सृस्तिया आधार
नस्वाः मतिनाया जुइम्ह ह्वःला खः व मां हे छम्ह

दुःख पिर ब्यथाया मिं दनिं बल्य नुगलय्
यःमां धकाःवने वं सरणय् माया मुल्य
जि पुता! धकाः घयेपुना धाइगु व शब्दं
नुगःयात सिच्चुका बिफुम्हं व मां हे छम्ह

भाःपाःद्यः कायेनु लयतायेका मांयाक्य बरदान
भिंजुइ सकस्यां बिइवं लसतां सुवा मांया नुगलं
भिं जुइमा बांलायेमा धयागु निरतिं थः मस्तय्
निरन्तर च्वनिम्ह बियाःसुवा खः व मां हे छम्ह
जय मां भाय्

निकू हाइकु

रमन

जीवन जःति मौनता दुने
मदिकक न्ह्यानाच्वनी गुनुहुँ थ्वै च्वनीगु
मांया मतिना । सः छगू हे - मां ।

मां - छगू क्रम



नारद वज्राचार्य

सदां थें कःसी
चखुंचात वल
बखुंचात वल

तर
लूगु सूद्योयात पुज्याइम्ह
मां मवल ।

मां मवः / मां मवः / मां मवः

चखुंचां
बखुंचां
नुगः मछिंकल
ख्वाबि तिकि नंकल ।

भुर्रि ब्वयाः
अनन्त आकासय्
दुने दुने थ्यंक
मां माः जुल
मां स्वः जुल ।
★
तःन्हु लिपा / हानं
सदां थें कःसी
चखुंचात वल
बखुंचात वल ।

अमिगु कालाकुलु सलं
न्ह्यः गुत / खना -

मां वल / मां वल / मां वल

लूगु सूद्योयात पुज्यानाच्वंम्ह
जि मचाया मांयात
भुं ववं

चखुंचात हालाच्वन
बखुंचात हालाच्वन ।

मांया जादु



सुधीर ख्वाबि

उबले,
जि मचाबलय्
मिखाय् धू लाःसां
पुली धाः जूसं
मानं फू जक याइबलय्
अथें याउँया वनी
स्याःदक्व, धाः फुक्क ।

थौं कन्हय्
मांया लुमन्तिं जितः त्वःपू वइबलय्
मिखां हिति धाः हाइबलय्
नुगः याउँसे च्वनिगु वासः ज्वनाः
मानं जितः नापलाः वइ

म्हगस खःला धाथें खःला जुइक
जि न्ह्यलय् दुबिना च्वनेबलय् ।

यद्यपि छुं नंवाइ ला मखु
मात्र जितः मिखां पितृपियाच्वनी
जिगु नुगःया हाकु सुपाँय्
चिइकाः ब्यूगु थें जुयाच्वनी
जितः हःपा बियाच्वंगु थें तायाच्वनी ।

सुथय् जि न्ह्यलं चाइबलय्
जिगु नुगः लसतां जायाच्वनी
म्ह छम्हं फय् थें याउँसे च्वनाच्वनी
लकसय् लायलामा त्वयाच्वनी
जिन्दगी न्ह्याइपुसे च्वनाच्वनी ।

धाथें मांयागु लुमन्तिं
मांयागु माया जिं
कागबेनीया खुसिइ प्याका
मुक्तिनाथया सर्गतय् खना
मां-बाः निम्हं लयतातां
आशिर्वाद बियाच्वंगु तायेका

जि न्ह्याथाय् वंसां न्ह्याथाय् थ्यंसा
जिगु न्ह्यःने पिलुवइगु धाइगु
थ्व ला जादु थें ताः, मांया जादु !

हरेक मंगलवार

राष्ट्रियताको लागि समर्पित



मेरो साप्ताहिक
मना साप्ताहिक Mero Saptahik

मालाः मालाः ब्वनादिसँ ।

पाणिना, यल ।

मां
छंगु नां छाय् मां जुल ?
मां आखःया ल्यू न्ह्यः
छाय् छुं मवल ?
न्ह्यसःया सर्वब्यापि लिसः
छ मां, मां हे खत,
मां नांया मेगु उपमा छुं मखन ।

फिल्लया गर्भय्
छं जितः छु तल,

मां

मतिनाया बिस्फोट पिज्वयकाः,
सन्तानया ज्वाला पितब्वल ।
मतिना व घुनाया युदय्,
सदांया नीति त्यानावःम्ह सिपाहिं छ
जुल ।

मां
छंगु स्पर्श हे गाः जिताः
थ्व संसार महशूस यायेत ।
हलिं मुक्कं हे थःगु नालाः
अथाह मतिना ब्याकेत ।
छं ब्यूगु सासलं,

थौं जिं थ्व सासः ल्हाय् फत ।
मां धकाः जिं छु न्ववाना,
जीवनया ध्वनि हे थ्वयेकेफत ।

आभास छंगु जक नताःलय्,
प्रकृतिया हरेक वसन्त जायेकेफत ।
थः धयागु खँवः हे,
केवल छंगु नामं जक हे छ्यलेफत ।

धन्य छ मां, मां छ जुइफत ।
श्रृष्टिया खँवः मुक्कं थः,
नुगःस्वाँ जुयाः ह्वयेफत ।

श्यामसुन्दर सँजुया 'हाइकु किचः' सफू विमोचन



अन्तर्राष्ट्रिय हाइकु दिवस अप्रिल १७ या लसताय थनया गौतम बुद्ध सभाकक्ष, महान्यायाधिवक्ता कार्यालय भवन, सिंहदरवारय जूगु छगु समारोहस पूर्व प्रधानन्यायाधिस कल्याण श्रेष्ठ नेपालभाषाया आधुनिक गद्य कविताया छम्ह न्हयलुवाः, हाइजिन श्यामसुन्दर सँजुया 'हाइकु किचः' नांगु सफूया विमोचन यानादिला उगु ज्याभूवल्य मूपाहां पूर्व प्रधानन्यायाधिस श्रेष्ठ थःगु मूवचू बिइगु भूवल्य म्हो शब्द, गहन बिषय, गहन संप्रेषण, गहन चेतनायात शसक्त रुपं न्हयब्वयगु माध्ययम हाइकु जुयाच्चन धकाः धयादिसैं थःत नं हाइकुं सालाकाल धकाः धयादिला। बहुआयामिक व्यक्तित्व श्यामसुन्दरया योगदानयात कदर यायेया निरति प्रतिष्ठान चायेकेगु आदि ज्याये थम्हं माक्व ग्वाहालि यायेगु बचं नं वयकलं बियादिला थ्व सिबें न्हयः

नेवाः हाइकु ख्यःया नायः लिसैं सभाया नायः जुयादीम्ह भाजु सुरेश प्रधानं नेपालय हाइकु च्वयगु ज्या न्ह्याःगु ई ने.सं. १०७९ (२०१६) सालं निसैं हे हाइकु च्वयाः वैचवनादीम्ह श्यामसुन्दर सँजुया हाइकुत पाण्डुलिपि जक लिकुनाच्चंगुयात पितबिइमाःगु थौयाफआवश्यकतायात नेवाः हाइकु ख्यलं महसुस यानाः थ्व ज्या न्ह्याकागु खः धयादिल। लिसैं समालोचक डा. ज्योतिप्रभा तुलाधरजुया धापूयात लिसाकासैं वयकलं सँजुया हाइकुइ थम्हं न्हियान्हिथंया जीवन क्रमय खंगु व अनुभव यानागु बिषय, घटना, उकिया दथुइ दुगु अन्तरविरोध, संघर्ष, विडम्बना आदियात थीथी कथं बिश्लेसन यानाः, चिन्तन यानाः अभिव्यक्त याःगु दु धयादिल।

उगु ज्याभूवल्य वरिष्ठ कवि, समालोचक डा. आनन्द जोशीं कवि

सँजुया नेपालभाषाया आधुनिक गद्य कविता न्ह्याकामि मध्ययया छम्ह न्हयलुवाः कवि खः धयादिल। लिसैं वयकःया हाइकु नेपालभाषाय न्ह्यानाच्चंगु परंपरागत हाइकु व आधुनिक हाइकुया बिचय च्वनाः ताँया भूमिका निर्वाह याःगु खँ कनादिल। अथेहे, सफूया प्रकाशक वरिष्ठ अधिवक्ता, श्यामसुन्दर सँजुया तःधिकःम्ह म्थ्याय अमितालक्ष्मी सँजु श्रेष्ठ लिबाक्क हे जूसां थः अबुया कृतियात पिथने दुगुलिं थःपिनि सकल जः तसकं लयतायाच्चनागु दु धयादिला थः बाः श्यामसुन्दर सँजुया बहुआयामिक व्यक्तित्वया थीथी पक्षयात दुवालदिसे वयकलं थः बाः नं च्वयादीगु रबिन्द्रनाथ टैगोरया अनुवाद 'गितान्जलि' व खस् नेपाली भाषाय च्वयादीगु 'चस्काहरु घाउका' धयागु कविता सफू नं यकनं प्रकाशनय हयगु खँ कनादिल। नेवाः हाइकु ख्यःया ग्वसालय जूगु उगु ज्याभूवः धर्मकृष्ण सिक्किमिजुं न्ह्याकादीगु खःसा उगु समारोहस साहित्यकार मोहन दुवाल, साहित्यकार डा. सुमन ताम्राकार, हाइजिन लिसैं नेवाः हाइकु ख्यःया न्वकू तुयुपुं नं कवि श्यामसुन्दर व वयकःया हाइकुया थीथी पक्षयात कयाः थःगु नुगः खँ प्वकादिल।

धाख्वाःया मिसा पासा बाखंबारे अन्तरक्रिया

नेपालभाषा एकेडेमीया चान्सलर नापं नांजाम्हा बाखं च्वमि यज्ञरत्न धाख्वाःया बाखं मुना मिसा पासायात कया ख्वपय दुवाला ज्याभूवः जुगु दु। सिर्जना अभियान समाजया ग्वसालय जूगु उगु ज्याभूवल्य बाखंया प्रवृत्ति, बाखं न बिगु सन्देश व ब्वमिपिन्त लाइगु लिच्चःया नापं मिसा पासा दुनेया बाखंयात कया दुवालेगु ज्या जुगु खः। साहित्यकार ध्रुव मधिकर्मी सफूती दुथ्यागु लिपांगु भिन्च्यापु बाखंयात कया समीक्षायासैं न्हिथंया सामान्य भाकायात कया बाखंया बां कीया मनु दुनेया मनस्थिति ब्वयत च्वमि सफल जूगु दु धका धयादिगु खः। फुक्कं धयार्थे बाखंया थासा छू हे कथंया जूगु व हुं न भाकायात याउँक छिसिकथं न्हयब्वयाब्यूगु च्वमिया विशेषता जूगु न्हयथना समीक्षक मधिकर्मी बाखंया प्रभावया लागिं थुलि जक मगा उकी नाटकीय पहः व द्धन्ययात भचा बः बिमागु खं न



कनादिला प्राध्यापक लिसैं समालोचक प्रेमहीरा तुलाधरं धाख्वाःया बाखनय सामाजिक जीवनया थी थी विषययात धवाथुइ कथं ब्वयाबीगु पहः दु धका धयादीसैं ब्वमिपित बाखं ब्वनेबले याउँक थुइकेफइ धयादिला वयकलं सामाजिक जीवनया नापं

देशविदेशया थी थी विषययात न बाखनय दुथ्याकेमागु खँ कनादिला ज्याभूवल्य बाखंच्वमि हरिगोविन्द भोमी, पत्रकार जितेन्द्र रसिक व पदमा खयरगोली, विमल ताम्राकार, सुरेन्द्रलाल भुजु, शाक्य सुरेन व दीपक मास्केपिसं नुगःखँ तयादिगु खः।

Binod Maharjan
9841369552, 9808644666

बि.आर्ट्स
B. Arts

Nayabazar, Kirtipur
4335491, b.arts1335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID) Visiting Card
- & all kinds of press works

बागमती ...

धका धयादीसे ऐन कार्यान्वयनया लागि नियमावली, आयोग, अनुगमन समिति लगायत निकाय गठन याय ल्यःदिनइ धका धयादीगु खः।

नेपाल तामाङ घेदुड्या अध्यक्ष मोहन गोलें ताःईनिसे भाषाया निति थःपि गुलि सतकय वया आन्दोलन याये मागु खँ लुमकादीसे थौ वया थःपिनिगु माग सम्बोधन जुगुलि लसता प्वकादील। व्यकलं आः हाकन थुक्रियात कार्यान्वयन यायेगुलि थःपिन्स माक्को कुतः यायेगु जुइ धका धयादीगु खः। बागमती प्रदेश सरकारया संस्कृति पर्यटन लिसैं सहकारीमन्त्री शैलेन्द्रमान बज्राचार्य सहिदपिनिगु बलिदान लिपा वःगु सङ्घीय व्यवस्थाया उपलब्धि कथं थौया दिं भूसिं लुमक्येमाः धका धयादीगु खः। उगु ज्याभूवल्य प्रधानमन्त्री दाहाल जनकवि दुर्गालाल श्रेष्ठयात दोसल्ला न्येकाः हनादीगु खः। थःगु नुंगः खँ तयेगु भूवल्य जनकवि श्रेष्ठ थःमहेसिया यक्को सतकय वया सर्घष यानागु खँ कनादीसे व हे आन्दोलनपाखे आः थथे सम्मानित जुइ खना च्वनागु दु धका धयादीसे वयकलं थगु ल्यःदिनइगु जीवन न भाषिक आन्दोलनय ख्यालिइगु जुइ धका बचं बियादीगु खः।

हल्चोक ...

बियादीगु खः। कोषय नागार्जुन नपा ३ वडाया नायः उमेश लामा ५० द्रः, मुना/मदनकृष्ण महर्जन ५० द्रः, नागार्जुन नपा ६ वडाया पूर्वनायः राजेन्द्र बुढाथोकी २५ द्रः, धनबहादुर श्रेष्ठ ६० द्रः, नागार्जुन नपा ३ वडाका सदस्य सञ्जु थापा (बुढाथोकी) ११ द्रः १११ तका व हरि स्यस्यल ५ द्रः तका ग्वाहालि लःल्हाःगु खः। कोष एक करोड तका थ्यंकेगु निरति निरन्तर ज्या न्ह्याका यंकेगु समाजं घोषणा याःगु दु।

ज्याइवल्य नुगःखँ तयादिसैं विशेष पाहाँ उपप्रमुख सुशिला अधिकारी नागार्जुन नगरपालिकाय थःपिं त्यानावःगु इलय २ किमि हे पीच लुइके थाकुगु थासय आः

फुक्क हे धया थें लैं पीच व धलान यायगु ज्या जुइधुकूगु खँ कनादिल। हल्चोक आकाश भैरवयैयाः जात्रालिसे स्वानाच्चंगु जूगुलिं थनया संरक्षणया निरति यैं महानगरपालिकापाखें ग्वाहालि वयाच्चंगु व मनपाया पूर्वमेयर विद्यासुन्दर शाक्य हल्चोकया हरेक पूजाआजाय ब्वति कयाः थनया संरक्षणया निरति ज्वःमदुगु भूमिका भितादीगु लुमकादिल।

ज्याइवल्य नुगःखँ तयादिसैं यैं मनपा १८ वडाया नायः न्हुछेकाजी महर्जन हल्चोक आकाश भैरवया भिनिदँया जात्राया इलय च्वनीगु थाय थःगु हे वडाय लाःगु जूगुलिं अन दःपिं विराजमान याकेगु निरति थःपिसं माःकथंया व्यवस्था यानाबीगु खँ तयादिल।

अथेहे नुगःखँ तयादिसैं हलिं नेवाः दबूया न्वकु रमेशमान मुनिकारं हल्चोक आकाश भैरवया भिनिदँया जात्रायात विशेषरुपं अन्तर्राष्ट्रियकरण याना यंकेत ग्वाहालि यायगु जुइ धयादिल। वयकलं न्हापा जूगु भिनिदँया जात्रा ताःलाकेत नं थम्हं ग्वाहालि यानागु खँ लुमकादिल।

ज्याइवल्य समाजयात हल्चोक आकाश भैरव गुथिया नायः सागर पुतुवार व सुरज पुतुवारयात समाजया सम्मानार्थ संरक्षक घोषणा याःगु खः। थथेहे नागार्जुन नपा ३ वडाया नायः उमेश लामा, यैं मनपा १८ व २४ वडाया नायःपिं न्हुछेकाजी महर्जन व विनोद कुमार राजभण्डारी, समाजसेवी लक्ष्मण गमाल, रविकृष्ण श्रेष्ठ, सुकुमान पुतुवार, शंखवीर पुतुवार व दलबहादुर पुतुवारपिन्त सम्मानार्थ सल्लाहकार ल्यःगु खः।

ज्याइवल्य गुथियात निरन्तर ग्वाहालि यानावयाच्चनादीपित विशेष हना लःल्हाःगु खः। ज्याइवल्य हरि स्यस्यः, अमृतचन्द्र श्रेष्ठ, पवन स्थापित, राजु डंगोल, मुना/मदनकृष्ण महर्जन, गुह्येश्वरी देवी श्रेष्ठ, राजेन्द्र बुढाथोकी, जीवनरत्न सिन्दुराकार व रत्नकाजी महर्जनपिन्त विशेष हना लःल्हाःगु खः। समाजया न्वकु जीवन पुतुवार लसकुस याःगु ज्याइवः नायः शेरबहादुर पुतुवारया सभापतित्वय छ याज्जे सुरेन्द्रभक्त श्रेष्ठ न्ह्याकूगु खः।

प्रचलित नेपाललिपिं
पिहाँ वयाच्चंगु
म्हसीका लयपौ
ब्वनादिसैं/ब्वकादिसैं

महीना लयपौ
MHASIK Monthly | म्हसीका मासिक

बङ्गना लिपि
रञ्जना लिपिं पिहाँ
वयाच्चंगु
रञ्जना लयपौ
ब्वनादिसैं/ब्वकादिसैं

नेवाः सरोकारया अनलाइन पत्रिका

Swoniga Online

नेपालभाषाया
अनलाइन
पत्रिका

लक्ष्मी
www.lahananews.com

सत्यनारायण बहादुर श्रेष्ठया विषय अध्ययन अनुसन्धान याइगु



नेपाल आदिवासी जनजाति पत्रकार महासङ्घ (फोनिज) नाप नेवाः पत्रकार राष्ट्रिय दबू न नेपाल पत्रकार महासङ्घ (एफएनजे) या २७ क्वःगु तँमुज्या पारित यागु संस्थापक अध्यक्षया निर्णययात लसकुस याःगु दु। फोनिजनाप पत्रकार दबू मंकाः च्वंगु बैठक उगु निर्णयया लसकुस यासे वइगु दि उगु कथं हे कार्यान्वयन याना न्ह्याः वनेत महासङ्घया पदाधिकारी, दुजः नाप सम्बद्ध पक्षनाप फोनिज व दबू न अथे माग याःगु खः। दबू न्हापानिसे पत्रकार महासङ्घया संस्थापक अध्यक्ष सत्यनारायणबहादुर श्रेष्ठ खँ धका ल्हवना वया च्वंगु मुदाया विषय दस्तावेज स्पष्ट यासा न उगु विषययात कया दबू नाप फोनिज थीथी ज्याभ्वः मदिकक याना वयाच्वंगु खः।

वि.सं. २००८ साल वैशाख ९ गते च्वंगु श्रेष्ठया अध्यक्षताय् पत्रकारतयगु मुँज्या हे नेपालय् न्हापागु मुज्या खः। उगु मुँज्याय् नेतृत्व श्रेष्ठयाना नेपालय् न्हापागु पटक नेपाल पत्रकार सङ्घ गठन जुगु खः। दबू न उगु सङ्घ हे थौ महासङ्घया निरन्तरता जुगुलि संस्थापक अध्यक्ष श्रेष्ठयात हे कायम यायेमाःगु

माग याना वयाच्वंगु खः। उगु माग फोनिज न मदिकक ल्हवना वयाच्वंगु खः। अयन महासङ्घ विधानं वि.सं. २०१२ साल चैत १६ गते कृष्णप्रसाद भट्टराई नेतृत्वया समिति यात कयना संस्थापक हना वयाच्वंगु खः।

यँ जुगु महासङ्घया २७ क्वःगु तँमुज्या संस्थापकया विषययात सम्बोधन यासे धाःगु दु, “नेपाल पत्रकार महासङ्घया संस्थापक अध्यक्ष याःगु विषययात कया न्ह्यानाच्वंगु विवादायात ज्यकेगु निति उगु विषय त्रिभुवन विश्वविद्यालय आमसञ्चार व पत्रकारिता विभाग लिसे इतिहास विभागनाप समन्वय याना अध्ययन अनुसन्धान याना तथ्य व प्रमाणया आधारय् निष्कर्षय् थ्यकेत थुगु तँमुज्या महासङ्घयात निर्देश यानाच्वना।”

फोनिजया नायः गजुरधन राई न महासङ्घ पारित यागु निर्णययात फोनिज लसकुस यासे कार्यान्वयनया लागि इनाप याना च्वना। “छगु चरणया उपलब्धि जुगु दु, आः थुकियात कार्यान्वयन यायेगु लागि वइगु दि दबाव व सङ्घर्षया ज्याभ्वः यायेमालेफु” धका वयलं धयादीगु खः।

अथेहे फोनिजया पूर्व सल्लाहकार सञ्जय सन्तोषी राई न महासङ्घ पारित याःगु निर्णय लसकुस यासे अयन कार्यान्वयनया लागि वइगु दि अफ मेगु दबाव बिइगु ज्याभ्वः न्ह्याकेमाः। फोनिज व दबूया लिपागु दबावमूलक ज्याभ्वः हे महासङ्घ संस्थापकया विषय क्वछिइ निर्णय जुगु धका वयकलं धयादीगु खः। फोनिजया वरिष्ठ उपाध्यक्ष लक्की चौधरी महासङ्घ महाधिवेशनपाखे पारित जुगु निर्णय नं. ५ य संस्थापकया विषय सम्बोधन यायेगु ऐतिहासिक ज्या जुगु धका धयादीगु खः।

अथेहे पत्रकार दबूया नायः नृपेन्द्रलाल श्रेष्ठ दबू व फोनिज मदिकक ल्हवनाच्वनागु मुदायात महासङ्घया २७ क्वःगु तँमुज्यापाखे निर्णय जुगु लसकुस यासे बहजु। दबू न वंगु च्यादै निसे दबाव मुलक ज्याभ्वः यासे नेपाल पत्रकार महासङ्घया संस्थापक नायः सत्यनारायण बहादुर श्रेष्ठ हे खः धका जन्म जयन्ती हना वयाच्वनागु खः धका धयादीसे वंगु पुस १३ गते वयकःया लुमन्तिइ सत्यनारायण बहादुर श्रेष्ठ सेनानी सिरपा ज्याभ्वः वः न न्ह्याकगु खः धका धयादीगु खः। अथेहे सत्यनारायण बहादुर श्रेष्ठ मिडिया फुटसल ज्याभ्वः न न्ह्याकागु खँ धका धयादीगु खः।

अफ संस्थापक नायः विषययात कया मदिकक सर्घषया ज्याभ्वः न्ह्याकातु च्वनेमाः। गुवलय् तक संस्थापक नायः सु खः धइगु निर्णय जुइ मखु थःपिंस संघर्ष यायेगु त्वःत्ये मखु धका धयादीगु खः।

श्याम ज्यापुया याकः पौभा ब्वज्या



योङ्ग पिकासो कला व कलाकारतयूत सम्मान, सर्व्द्वन व कला श्रृजनाया माध्यमपाखे आर्थिक थकायेगु छु न्ह्याकगु अभियान यानाच्वंगु खः।

थुगु ज्याय् मदिकक न्ह्याकाच्वमह खः प्रवर्द्धक लिसे निर्देशक अजय देशार। योङ्ग पिकासो छु ज्याइवः दथुइ चित्रकार श्याम ज्यापुया एकल पौभा चित्रकला ब्वज्या पाटन संग्रहालय याःगु खः। उगु ज्याइवःया उलेज्या नेपाःया लागि श्रीलंकाया राजदूत सुदर्शना पाथिराना उलेज्या यानादीगु खः।

कलाकार ज्यापु स्वंगु दशकानिसे च्वयादीगु तारा, बसुन्धरा, बज्रयोगिनी, वज्रवाराही आर्यतारा, लोकेश्वर छःया

पौभा कला संग्रहालयय् ब्वज्या जुगु खः। राजदूत पाथिराना नेपाः व श्रीलंकाया सम्बन्ध सांस्कृतिक व ऐतिहासिक कथं न स्वानाच्वंगु दु धका धयादीगु खः। बुद्ध धर्म नाप तपिक स्वानाच्वंगु पौभा चित्र नेपाःया शान खः धका धयादीगु खः।

ग्वसाः खलः योङ्ग पिकासोया निर्देशक अजय देशार नेपाःया मौलिक चित्रकला व पौभा चित्रकला महत्व तसकं दुगुलि थज्यागु ब्वज्या यानागु खः धका धयादीगु खः। वयकलं कलाकार तयेगु आर्थिक जीवन थकायेगु निति न थज्यागु ब्वज्यापाखे तसक महत्व दु धका धयादीगु खः। उगु ब्वज्याय् चित्रकार ज्यापु सिर्जना यागु ३२ गु पौभा चित्र न्ह्यब्वःगु खः।

दल दर्ता खारेजी प्रक्रिया बदर

निदँ न्ह्यः निर्वाचन आयोग नेपाः राष्ट्रिय पार्टीलिसे ४१ गू राजनीतिक दलयात इलय् हे अडिट रिपोर्ट बुभे मयाःगु हुनि खारेजी प्रक्रियाय् छ्वःगु निर्णययात सर्वोच्च अदालत बदर यानाब्यूगु दु।

नेपाः राष्ट्रिय पार्टीया नायः डा. विजय सैजुया रिटय् अन्तिम बहस लिपा थ्व हे बैशाख २३ गते सर्वोच्च आयोगया दल दर्ता खारेजी प्रक्रिया बदर यानाब्यूगु खः।

सर्वोच्च न्यायाधीसपिं हरिप्रसाद फुयाँल व महेश शर्मा पौडेलपिसं उगु निर्णय याःगु खः।

सर्वोच्च अदालतया थ्व रीत जारीया फैसलाया नजिरं यानाः आः मेगु खारेजी लानाच्वंगु ४० गू राजनीतिक दलत हानं सक्य जुइगु अवस्था ब्वलंगु नेपाः राष्ट्रिय पार्टीया नायः डा. सैजु कनादीगु दु। डा. सैजु आः नेपाः पार्टी सशक्त ढंग न्ह्याः वनीगु प्रतिक्रिया बियादीगु दु।

डडेलोबाट बचौं र बचाऔं ।

- सलाई, लाईटरजस्ता प्रज्वलनशील वस्तु बालबालिकाले भेट्ने ठाउँमा नराखौं,
- जंगलमा सलाई तथा लाईटरको प्रयोग नगरौं र गर्ने पर्ने भए सावधानीपूर्वक प्रयोग गरी राम्रोसँग निभाऔं,
- सानो असावधानीले जंगलमात्र होईन आसपासका बस्तीसमेत उजाड हुन सकछन्,
- जन, धन र वनको संरक्षण गरौं,
- सचेत बनौं, डडेलोबाट आफू पनि बचौं र अरुलाई पनि बचाऔं ।



नेपाल सरकार
विज्ञापन बोर्ड

नेपाल राष्ट्र बैंकको अनुरोध

आधुनिक प्रविधिको प्रयोगसँगै उल्लेख्य संख्यामा डिजिटल माध्यमबाट वित्तीय कारोबार भइरहेका छन् । सहज र भन्भट्टरहित भएकाले यो माध्यम सबैको रोजाइमा पर्ने गरेको छ ।

डिजिटल माध्यमबाट वित्तीय कारोबार गर्दा देहायका विषयमा जानकारी भई अत्यन्त सजगताका साथ कारोबार गर्नुपर्दछ :

- डिजिटल वित्तीय कारोबार गर्ने मोबाइल र कम्प्युटरमा अनधिकृत पहुँच रोक्न अनिवार्य रूपमा पासवर्ड (Password) वा पिन (Pin) ले लक गर्ने,
- डिजिटल वित्तीय सेवासँग सम्बन्धित लगइन आईडी (Login ID), युजरनेम (Username), पासवर्ड, पिन जस्ता व्यक्तिगत विवरण कसैलाई नदिने,
- इन्टरनेट बैंकिङ, मोबाइल बैंकिङ, मोबाइल वॉलेट, बैंकमा रजिष्टर गरिएका इमेलका साथै आफ्ना डिभाइसमा लामो समयसम्म एउटै पासवर्ड/पिनहरू समयसमयमा परिवर्तन गरिरहने,
- अरूले अनुमान गर्नसक्ने किसिमका सामान्य पासवर्ड प्रयोग नगर्ने,
- सामाजिक सञ्जाल वा जुनसुकै माध्यमबाट प्राप्त मेसेजको भरमा वित्तीय कारोबार नगर्ने, कारोबार गर्नुअघि सम्पूर्ण विवरण यकिन गर्ने,
- आधिकारिक वेबसाइट तथा आधिकारिक मोबाइल एपको मात्र प्रयोग गर्ने, यस्ता सम्बेदनशील विषयमा लापरवाह हुँदा सूचना चुहिने र वित्तीय ठगीमा पर्न सकिने भएकोले अत्यन्तै सजग भई डिजिटल वित्तीय कारोबार गर्ने बानी बसालौं ।

वित्तीय ठगीबाट आफू पनि बचौं, अरूलाई पनि बचाऔं ।